



Broj: 02/06-04-33127-6/23

Datum: 12.02.2024. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14 i 59/22), sekretar Ureda donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije za javnu nabavku iz Zapisnika o ocjeni ponuda broj: 02/06-04-33127-5/23 od 12.02.2024. godine u postupku javne nabavke i isporuke potrošnog materijala i okvirni sporazum će se zaključiti sa ponuđačem „**Company-Dis**“ d.o.o. Tuzla, ponuda broj: 100-23/24 od 09.02.2024. godine za ponuđenu cijenu od **1.123.264,36 KM (bez PDV-a)**.

Član 2.

Okvirni sporazum će se dostaviti na potpis izabranom ponuđaču po proteku roka od 15 dana, računajući od dana od kada ponuđač bude obaviješten o izboru.
Okvirni sporazum se zaključuje na period od 24 mjeseca.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-33127/23 od 22.12.2023. godine.

Javna nabavka je provedena putem otvorenog postupka. Izbor ponuđača izvršen je na osnovu kriterija najniža cijena.

Procijenjena vrijednost javne nabavke bila je 1.123.867,00 KM (bez PDV-a). Obavještenje o nabavci broj: 1116-1-1-60-3-72/23 objavljeno je na Portalu javnih nabavki 28.12.2023. godine.

Komisija za javnu nabavku imenovana Rješenjem o imenovanju Komisije za javnu nabavku broj: 02/06-30-015631/23 od 11.05.2023. godine izvršila je otvaranje ponuda dana 12.02.2024. godine. Nakon izvršenog vrednovanja, Komisija je ugovornom organu dostavila Zapisnik o ocjeni ponuda broj: 02/06-04-33127-5/23 od 12.02.2023. godine, koji ujedno predstavlja preporuku i izvještaj o radu, u postupku predmetne javne nabavke.

Iz Zapisnika o ocjeni je utvrđeno da je Komisija za javnu nabavku blagovremeno i pravilno izvršila otvaranje pristigle ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna);
- da je blagovremeno zaprimljena 1 (jedna) ponuda;
- da nema neblagovremeno zaprimljenih ponuda;

Daljom evaluacijom, konstatovano je da je pristigla ponuda kvalifikovana, te je sačinjena rang lista ponuđača kako slijedi:

Redni broj	Naziv ponuđača	Ukupna cijena sa popustom bez PDV-a (KM)
1	„COMPANY-DIS“ d.o.o. Tuzla	1.123.264,36

Održavanje e-aukcije predviđeno je tenderskom dokumentacijom, ali s obzirom na to da je pristigla samo jedna ponuda ponuđača, Komisija nije zakazala e-aukciju.

Komisija za zajedničke javne nabavke je predložila da se okvirni sporazum za nabavku i isporuku potrošnog materijala zaključi sa ponuđačem „Company-Dis“ d.o.o. Tuzla, ponuda broj: 100-23/24 od 09.02.2024 godine za ponudenu cijenu od **1.123.264,36 KM** (bez PDV-a).

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Ugovorni organ će izvršiti dodjelu okvirnog sporazuma ponuđaču „Company-Dis“ d.o.o. Tuzla koja je ocijenjena kao najuspješnija sa datom ponudom u skladu sa kriterijem za dodjelu ugovora – najniža cijena, te je odlučeno kao u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



Sekretar

Zdenka Marijanović
Zdenka Marijanović, dipl. pravnik

Dostaviti:

- „Company-Dis“ d.o.o. Tuzla
- a/a